

BAKURUBASANNI


(nimmor 12 songo)

Mali kono = Dörème 300

Afrikiki kono = Dörème 600

Jamana were = Dörème 1000

Mekalo san 2005



Kunnafonisében bota kalo o kalo. BP: 24 Telefoni : 221-21-04. Bozola Bamako-Mali. San 33nan boko 400nan A songo : dörème 15

San 2005-2006 koori sansongow sigira

Fana mara koorisene nemogoso ye san 2005-2006 koorisene Dannatigeliw ke mekalo tile 9 san 2005 ani ka hakililajigin ke san temenen in ta kan.

Laje in nemogoya tun be Joyila Perefe Alu Jara bolo. Mali koorisene yiriwali cakeda n'o ye «CMDT» ye, o nemogoba Usumani Amiyan Gindo, Barawili Perefe, marabolow senemogow, koorko nemonbaaw ka fara Fana mara koirisenenaw ka sendikaw ka cidenw kan, ninnu bee tun be kene in kan.

San 2005-2006 konona na, sinsin bëna ke fen fila kan : Koorisene nedonni ani koori numan soro. koori sansongo koirisenenaw bolo, o fana sigira ka kejne ni koori suguyaw ye : numanba kilo 1 ye dörème 32 ye, cemancelata ye 27 ye, laban ye 23 ye.

Alu Badara Kulubali Dokala Yusufu Jara


Bamako-Dakaro ani Bamako -Nuwasaki bëna ke gitörön ye

Gitörön dali daminena ka bo Jijeni ka se Jema. Sibiridon mekalo tile 28 san 2005, jamanakuntigi Amadu Tumani Ture ye Jijeni-Jema in gitörön dali dabajé fôl ke.

Ka bo Bamako fo Dakaro batondankan ni Nuwasoti batondankan na, o bëna ke ko sabatilen ye yanni kalo 24 ce. Jijeni-Jema siraba in kuntaala ye kilometre 180 ye, a musaka dira nansarajckulu fe.

Bayi Kulubali Dokala Yusufu Jara

Kolönjeba mara la, Cendaga ni Kankela babiliw kurunbonkarila



Kolönjeba wulakonokomini tun kelen be tilayoro 3 ye k'a sababu ke babolo 2 ye, ka gelyeaba don u ni nogonctaama na jamana kelen konona na. Cendaga dankan ni Kolönjeba ce ye kilometre 5 ye, Kankela ta n'a ce ye kilometre 40 ye. A be san caman bo nemogo fen o fen sigira Mali kunna, ubee tun y'a naniya k'una babilijoba ninnu kunna. Walasa ka komini ninnu dugudow lasoro, i tun wajibiyalen don ka taa munumunu Kodiwarijamana fe ka soro ka na o dugu ninnu na. Sisan, bobili kuraw jora Cendaga ani Kankela. Jamanakuntigi Amadu Tumani Ture ye bobili ninnu kurunbokari sibiridon mekalo tile 21 san 2005. Nin kera yeelen boleyn ye dugu ninnu ye, k'u bo kelennabila dibi la.

Sikaso mara nemogo Bokari Samaseku, ka fara Kolönjeba komini

nemogow kan, olu tun be bobili ninnu kurunbonkariyoro la. K'a damine Buguni ka teme Zancebugu fe, fo Kolönjeba, jama sebekoro bora ka jamanakuntigi kunben ni bonya ye. Sanga ni sanga, a tun be to k'a jo ka bonyamasegin ke a kumbennijama ma. Hakililajigin na, a kalo 15 tun ye ninye, jamanakuntigi Amadu Tumani Ture tun ye bobili ninnu joli layidu ta Kolönjebakaw ye. Bi, layidu in bora a sira fe, sabula bobili 2 in jora, fo a nana u kurunbonkari. U joli musaka bora faso yere ka baarakenafo lo la; a bëna sefawari miliyari 2 ani miliyon 400 ma. Kankela bobili ani Cendaga ta, u kelenna bee jora miliyari 2 ani miliyon 200. Siniyaw ka cakeda min be wele «COVEC», o ye baara ninnu ke, k'u kolbsili don «CIRa-SARI» bolo sefawari miliyon 192.

ne 2

KONKO

Lakanaballya kera dämme ye Kodiwar Benenjamana na, koorkolotigiiw b'a fe ka tuluzinitigiiw je u ka koorkolo la ka taa a feere Farajew ma Kalankene n° 28nan.

Batakiw,

Dukene 12nan, Galaga celasig,

Basitigiba Dawuda Sirane biala kasol la

Morikenin ka musonegentierec tun ka bon-kosebe San 2005 Kani Kade kupu ma soro Ganbirla

ne 2

ne 5

ne 8

ne 6, 7

ne 8

ne 9

ne 11

ne 12

Né fólo tó

Babili ninnu joli daminéna mëkalo tile 7 san 2004, k'u ban ka ben ni san 2005 awirilikalo tile 30 ye, kalo kelen sanni sarati dalen ka dafa. U tabaliw yenéye k'u sigibeton kan. Cendaga babili kundama ye metere 7 ani santimetere 40 ye; ka metere wooro-wooro bila a kere fila fe, k'olu laban ni sennataamayoré metere fila-fila ye, santimetere 70 noggónna. Ale ye negekonkoloba kelen ye. Kankela ta ye negekonkolo 2 tugulen ye noggónna. U kundama ye metere 79 ani santimetere 24 ye. Negekonkolo kelenna kundama ye metere 39 ani santimetere 62 ye. Babili in fiye ye metere 7 ani santimetere 40 ye, ka metere wooro-wooro bila a kere fila fe k'olu laban ni sennataamayoré metere fila-fila ye, santimetere 70 noggónna. Babili ninnudamineyorón'ulabanyoró la, siraba metere 330 gosilen be taa. Fara dalen be sira ninnu kan k'u keredaw n'u jigigindaw ke beton ye. Bolifénkow ni baarakéménenkow minisiri Abdulayi Koyita ka fo la, nin baara numan in kelen be ka dawula kura di Kolonjeba komini ma. A'b'a to hadamadenw ka taakasegin ka noggoya n'u bolofénw ye ani ka San Pedoro batondankan lasoró diya Kódiwarijamana na; ka laban ka caman bō Zancebugu ni Cendaga ce siraba boli musaka la. Osiraba in boli jateminebena damine zuwenkalo nata in san 2005. Cendaga ni Kankela babiliw kurunbonkarili senfe, dugumogow da sera geléya wérew ma Kolonjeba mara la. Kolonjeba komini némogó n'o ye Habibu Badeli Mariko ye, o'y'a nini, ni kelen min ke Kolonjeba la, n'o ye Zancebugu kolonjeba siraba ye, o ka dilan, ka do fara lakana sabatiyoró kan, ani ka gónindiyoró dojo Kolonjeba mara la, n'o ye kurandiso ye.

Jamanakuntigi ka jaabilila, feére béná nini olu la waati nataw la. Fen min ye Zancebugu ni Kolonjeba sirabako ye, a'y'a jira k'a fo obena ke baara kun folo ye. Jamanakuntigi y'a sementiya ko Bamako - Buguni - Sikaso siraba dilanni musaka soro la kaban, a te meen o baaraw béná damine.

Solomani Dunbiya
Dokala Yusufu Jara

Lakanabaliya kera danteméye Kódiwari

Lakanabaliya kera kénékanda ye Abijan Kódiwarijamana kono. Su t'o la, tile t'o la, waati bée, Abijan mogó miliyon 5 be siran ni jore la. Dunan t'o la, dugulen t'o la. Da b'u ye, sunogo t'u ye. Jamana labilala nsonw, binkannikélawani mogofagalaw ye, u k'u sago ke, here be si, a be tile. Faamaw, lakanatigilamogow ani dugumogow, bée lajelen desera k'i sigi, k'i si bila Ala ma.

Don do la, firiyato do y'a ta a jinkini kan; a togo Madeleni Nanjuze, a si be san 50 noggónna na. A sigilen be Yopugon, o ye Abijan faantankinbaw do ye. Nsonbaw ye bataki cia ma, k'a jira a la k'u béná a kama nin don masina in, nin léri masina in, k'a ka fen beé ce ka taa n'a ye. Ale y'o file manamanako ye. O don fólen n'o waatifolense, kamalenkorókogolen ce duuru nana don a kan, u b'u sen na, kélékemarifa jugu minnu be wele «kalasinikowu» ani pisitolemitarayert», olu tun b'u bolo bore kono. Uma kuma caman fo; u'y'u ka baara ke, k'u kodon. U ye wari, musomasiri da gélenw, fenjenamaw, jufakónotelefoniw ce ka taa n'u ye, muso ne bosolen nena. Binkanni musow kan, bolofénw ntarakili ni maramafénw ye, mogowfoli ka taa u némadogo nafolo kunkoró, olu n'jenen be bi kosebe Abijan, (ONUCI) ka fo la; o ye jamana yéremahoronyalenw ka tonba ka cébow ye Kódiwarikele dugali kama. Faamawy'umakobojamana lakanani na k'uta ke fanganiniye. Kabini Fofoyi Buwaji fatura don min na san 1993, politikikele wulila ka jo.

San 1999 - 2000, Oroberi Geyi ye kudeta ke Konan Beje la. O san kelen kono, binkanni ntarakili 70.000 kera.

San 2002 setanburukalola, kéléwulila ka jamana tila fila ye. O kelen minke, maramafén cayara, baaran tanw cayara, tijenijekuluw sigira sen kan fan bée. Denmisén minnu si b'a ta san 17 la, ka se san 25 ma, olu de ye kojugukunyanfanw ye. U ka kene unina, uté siran; a t'u ko, a t'u ne. O kofé, san 2005 marisikalo la, kojugukela mogó 4.000 ye Abijan kasobonba da kari ka bo; o ye do fara a to kan. Nin kunnafofi ninnu soro la Kódiwari zandaramuw ka cakeda fe, min ka baara jésinnen be kunnafofini ni lakana wulikajow ma (cro). O cakeda in y'a jira tuguni ko san 2005 kalo fila fólo la, mobiliw ntarakili u bolibagaw la, o 1500 kera. O be ben don o don ntarakili 25 ma. Binkanni mogow kan, o waati kelen ninnu na, o 12.000 kera. O be ben tile o tile binkanni 200 ma.

Tiye don, kabini bi te, balawu be Kódiwari, nka sisantawtemena a dan kan. O sababuya bora politikikele la. Faamaw fe, u ka fanga soro doron, u yére ka kisi, lakana t'u ka sira ye. An be nin bee la, tijenikela ninnu dogolen te.

Bee b'u dón, nka a te kun mogó la k'u kofé. Yopugon kin na, takisikónodon kera faratiye, bawo n'iye soferitanjo, kelen ye binkannikela ye. O kin kelen in na, polosiw delila ka nsonba dów dakoron, o geregere yélenne ce dón'a muso n'u denyerenin kan, bawo olu fana tun dakoron be nsonba ninnu fe.

Sisan kóni, a kera jenamacentia ye; se te mogow ye, dabali t'u ye. Min be se min na, o b'o ke, nka o t'i kisilen ye de.


Iwana Kinaya
Mahamadu Konta

Bila mara la, Faloka do ye ji saniman lase a ka dugumogow ma

Faloka min sigilen be Bamako, n'a togo ye Seyidu Nco Male ye, o ye ji saniman lase a ka komini mogow ma. Pónpekólon min be Seyidu Nco Male ka foro la Falo dugu dafe, a fanga ka bon kosebe, ji metere kibu 13 ani murumuru 7. Falo méri ka déme kono, u ye jilasagonnanba do sigi a kunna min hake ye metere kibu 20 ye, ka panosoleri 28 k'a la. Baara in musaka kuu benna sefawari miliyon 28 ma. Nin kera sababu ye ka ji saniman sama ka bo foro la ka se Falo dugu kono.

Dokala Yusufu Jara

Joyila bora sirakogeléya la



Siraba min bë bo Joyila ka tème Masigi fe, ka taa Kuwale ani min bë bo Joyila ka taa Sorokoro, jamanakuntigi Amadu Tumani Ture y'olu kurunbonkari taratodon mëkalo tile 17 san 2005.

Goferenaman ye politiki min nesin jamana laboli kama siraw la ani ka kokanjamanaw lasoro diya, siraba ninnu y'o do ye. Joyila - Masigi - Kuwale, o siraba kuntaala ye kilomètère 137 ye, Joyila - Sorokoro ye kilomètère 41 ye. U dilanna ka ke

siraba bilenw ye; u fiye ye metere seegin - seegin ye ka keredafetaamayoroniw metere saba - saba k'u dafé ka taa. Bogo bilen min tonna sira ninnu kan, o firi ye santimetere 18 ye. Sefawari miliyari 2 ani miliyon 500 donna baaraw dafé. Gitonba min bë bo

Bamako ka taa Segu ani min bë bo Bamako-Buguni - ka taa Sikaso, siraba kura dilannen ninnu bë bila olu dala ka Kulukoro ni Segu ani Sikaso maraw sogo ka bila jogon na. Banki min nesinnen don Farafinna yiriwali ma, n'o ye «BAD» ye, kemesarada la, o ye 81 bo sirba ninnu musaka la, Mali yere y'a tò 18 bo. Siniwajamana cakeda min bë wele «CGC», o ye baara ninnu ke.

Berehima Kulubali
Dokala Yusufu Jara

Maliden 8 fagara, Togo jamanakuntigisigi kalata kofe

Mali ketoka sangafosében ke ka nesin maliden minnu fagara Togo jamana na murutili dösenfe, jamana nemogow y'a wajibya Togo faamaw ma, damatemewale in kebaaw ka nini k'u kiiri. Jamanakuntigi ye Mali jagoko n'a izinikow minisiri Sogeli Kokala Mayiga ci ka taa a ko jula Togo. Maliden minnu bë yen, dabali tigera olu ka segin so. O hukumu kono, nténendon mögo 14 seginna Mali la, muso 7 b'olu la.

Mögo minnu fagara Togo murutili in senfe, olu somogow don. Maliden ka tón min sigilen don Lome, o korsiggi n'o ye Idirisa Tarawele ye, o ka fo la, tuma min na Lome duguden dòw wulila ka taa bin an ka fasodenw kan, olu bolila ka taa u yere kalifa Dakuwame kintigi la. Osila, umasok ka buko. Mögo murutilen ninnu nana a jira kintigi la, Mamadu Sidibe min b'a ka kalifaw cela n'a be wele Papu, n'kintigim'o bo ka di u ma, u b'a faga.

Bagabagali in keto sebe ye, kintigi seko ma ye Papu labilili la. U ne da Papukan, uy'u suuru a kan. Ofurance la, kintigi somogow ye maliden tow deme k'u bo kogo kofe.

Geleya min ye malidenw soro Togo, a jogonna dara jamana were mögow fana kan yen.

Mali ka lasigiden min bë Togo, n'o ye Mahamadu Beni Labatiye, oni Sogeli Kokala Mayiga jera ka laje ke ni Togo malidenwe. Uy'a geleya bee kelenna ma, u k'u jilaja u sigiyoro sariyaw labatoli la. Minisiri min nesinnen don Mali kókankow ni Farafinna kelenya ma, n'o ye Umaru Hamadunu Diko ye, o y'a sementiya ko ni nin geregere in te, gerente were tun te malidenw dala Togo jamana kan yen; wulikajow koni be senna waleya jugu in kebaaw nöfe. N'o te, maliden tow naniko ma boloda jamana kono.

Solo Dunbiya
Dokala Yusufu Jara

Kongo donna Nizerijamana marabolo caman na

Nizerijamana woroduguyanfan fe, ka digi körön kan, a kolosira k'a fo ntónkuluba do ye tijenéni ke Difa mara kono ka soro ka don Nizerijamana na. Nin waleya in kera san 2005 mëkalo dögökun 2nan kònona na. Ntonkuu yeko ma dan Difa yorow ta ma, u yera jamana tilebinyanfan n'a woroduguyanfan fana na ka teme. Dosomara la, ntónwyebanankuforow tijé, ani ka kabaforow ni wosoforow tijé Maradi ni Zenderi maraw la. Sanjidesse ni ntónko kera Nizeri tilebinyanfan n'a saheliyanfan balodesse kun ye, fo ka jigin jamana cemancebolola ka digi worodugu kan. Bi-bi in na, kemesarada la, kongo digilen bë mögo 80 na Nizeri jamanaden miliyon 11 na. San balo deséra ni suman tóni 223.448 ye san 2004 kanpalji na.

Filinge bë ñaame kejekayanfan fe, u ce bë kilometere keme jogonna bo. Yen, dugumogow ka dunfenbanna. U nesinnen bë ntigjésow ma sisan, k'olu sen, ka nokisew labo. Zinderi kejekayanfan fe, o fana ye Nizeri dugudo ye, dugumogow bë ka u wasa don jiribuluw ni jiridenw na kungo kono, wa baga bë o dòw la.

Balojugudun ye dan kari hadamadenw ka kenya la. Digi kera kosebe denmisennamogow de la. Jamana nemogow ka wulikajow y'a to ni suman tóni 67.000 soro. O be ka feere nogoya la kongotow ma.

Dokala Yusufu Jara

Sefawari miliyari 34 : Ka bo Ayoru Nizerijamana na ka na Gavo, o siraba giton dali musaka y'i ye. Siraba in bë teme dugu minnu fe, saniya sabatili olu kono, o musaka fana bë warin na. Poroze mana waleya, a bë sababu ka nogoya don ñame, Tilaberi, Ayoru, Ansongo ani Gavo ce taama na.

Sefawari miliyari 3 ani miliyon 200 : O ye musaka ye faantanjamaw sera ka min fara jogon kan k'a don fura ni baarakeminew na ka di Mali ma dögotorosoba dòw bolomademeni kama; i n'a fo «Penze», «Gabiriyeli Ture» ani dögotorosoba werew ni sigidaladögotoroso 10 jogonna.
Mögo 500.000 : Ni feere jenjonteliman

Lamerikənjamana na, lakolikaramogo muso dō furula a ka lakoliden ma

Lakolikaramogo muso min jangira san 1997 san 7 ni tila kaso la k'a jera n'a ka kalanden dō ye min si hake tun be san 12 la, a bëna furu o ma mekalo laban in na san 2005. Mari Keyi Leturuno si be san 43 la, a bëna furu Wili Fuwalawu ma, o si be san 22 la ninan. Madamu Leturuno yere bilala ka bo kaso la utikal salen in. A tun jalakira k'a ye Wili Fuwalawu kunnayelema ka je n'o ye; o min tun y'a ka kalandenw dō ye fo a gërejigera

denmuso la. Lakolikaramogo muso in danna kalo 6 ma kaso la, sabula, a y'a ka kaso to wari sara. U tun y'a geleya a ma, a n'a ka kalanden in kana se nogon ma tuguni. Nka u labanna ka taa u mine nogon na feburuyekalola san 1998 so kolonnin dō kono. O kelen, u ye madamu Leturuno don kaso la kokura a k'a ka kaso to laban. Agerejigera tuguni Wili denmuso la o san kelen okutoburukalo.

Dokala Yusufu Jara

Faransijamana na, sefawarijugu miliyari 50 nöfe kiiri bc senna

Sefawarijugu kiri daminena Pari kiiriso 14nan na. mog 8 no minenen don k'a sababu ke k'u ye wari jugu labo k'a cerin.

Nin waleya in daminena Dakaro ani Tanbakunda san 2004 Senegali jamana na. Tungadenw nana ni nafolomugu ye k'u bila waribon na. A kolosira k'a fo bafilebiye minnu b'u la, olu te wari numanw ye. Tege kera tungaden ninnu na. U ka san caman nafolo nininen dajira nin cogo la. Jonni kera sababu ye ka tungadenw ka nafolo tine Faransi?

Pari arondiseman 14nan na, yoro min be wele «SONACOTRA», o donyoroni be nin waleya jugu in na. Polisiw ye jan da muso dola, u be min wele Mari Santali. Ale deye tungaden ninnu ka Erowariw falen

sefawarijuguw la. Kôdiwarika don, a ye Benenka dō fana kofo, a ni min be je ka taa sefawarijugu in ce Beliziki jamana na. U be na ni wariwalisi minnu ye, bc kera o nogonna do kan garasi dō kono Beliziki faaba la yen; a falen be sefawarijugu la fewu. Warijugu ninnu jatera ka ke miliyari 50 ye.

Segesegelikew ka fo la, wari ninnu dilanna Silowenijamana na; seben min y'u dilanni yamaruya o tun be «BCEAO» togola, kasorodönyorot'o la. Turuki jamanaden dō ka yurukuyrukuseben dilannen y'o ye. «BCEAO» y'a jira k'a fo nin kojugu kunyanfan in donna nak a be jamana were la faransi kokan, disiba do don. Kiiri min be senna, a t'o kene kan.

Dokala Yusufu Jara

Bangew maboli be denbaya barika

Mali kono, Bangew maboli feere numanw be kencyasow la; nka o n'a ta bee muso bere t'u matarafa. O de koson kencya minisiriso n'a baarakenojognw ye kalo 2 kunnafonidi damine bangew maboli kan. Bamako ta damincna marisikalo tile 23 san 2005. Kalo 2 in yere dafalen k'o, kunnafonidi in be to sen na kencyaso bee lajelen na.

Segesegeliw y'a jira ko gërejige sorojoona ani dencamansoro ni seere ka jugu wolomusow ma konomaya la. Tuma dow la u be ka sababu ye ka ba n'a den fila bee bone u ni na.

Bangew maboli nafa ka ca : wolomuso fari be segin a kan ka ne, den be fa sinji la denbaya be barika.

Bamako mara kencyako nemogoso

«Enterineti» joyro ka bon dönniya sorozi la

Dine seleke naani dönnibaaw labennen don kunnafonidi laje kama Tinizi faaba la nowanburu kalo nata in, san 2005. O kene in kan, barosigw bëna ke kancamanfo kan ani subahanamansin matarafali dönniya sorozi la, n'o ye «Enterineti» ye.

Dine ko bee tolen don jate bolo sisan, o la, fo mogow k'u wasa don subahanamansin na. An be don min na i ko bi, baara be ke ni kan 6000 ye dine kono. O ye here ye min ka kan ka lakana kosebe.

Sanga min be Enterineti la bi kunnafoni dili la hadamadenw ka netaa banbali hukumu kono, dan t'o la, nka, fisamantiyaba be kanw ni nogon ce. Kunnafoni minnu be di Enterineti kan, o tilance ye angilekan ye; n'i y'a kunnafoni ninnu jate mine, kemesarada la, kan 11 jelen don 90 na. Farafinna kanfotaw la, kemesarada la, kan 90 tilato don u fobaaw la pewu.

Kancamanfo kun ye mogow jeli ye nogon danbew la, o siratige la, mogow na se k'u yere bc kan wajibiyalenw doni koro cogo di?

Walasa bee k'i sago fo i ka kan na, mun be se ka ke, kan do kana do tunun? Fisamandiya min be Farafinna kanw kan, o be se ka ban cogo di k'u bee don jatew kono?

Dabali jumen bëna tige walasa bee ka enterineti matarafa?

Walasa ka jaabi soro nin nininkali ninnu na, «UNESCO» ni tubabukanfjamanaw ni Farafinna kanw nemogoyaso ye barosig ke kancamanfo kan. UNESCO nemogoba n'o ye Koyisoro Matisura ye, o y'a jira k'olu hamieye danbew sogoli ye ka bila nogon na ka kancamanfo wara enterineti kan. A y'i sinsin a kan ko kan do man kan k'a cesiri kan were binni fe ni fisamantiya ye. Koyisoro Matisura ka fo la, Mali ka kan k'a jilaja k'a ka kanw bila enterineti kan, min b'a to a na se k'a ka kunnafoniw di a fere ma dije fan tan ni naani na.

Alayi Lamu
Dokala Yusufu Jara

Benenjamana na, koɔrikolotigiw b'a fe ka tulu izinitigiw je u ka koɔrikolo la ka taa a feere Farajew ma

«Filudɔri» ye kenyereye koɔrikolotulubɔ izini ye, an i Kotoni ce ye kilometere 90 ye sahiliyanfan fe; «SHB» fana be ten. Mogo ba caman be baara la nin izini ninnu na, nka kabini marisikalo tile 3, izinitigi ninnu y'a naniya k'u ka iziniw datugu koɔrikolo sɔŋgo geleya fe.

Benen senekelaw be koɔri min sene, koɔrikolobɔ izinitigiw b'o san k'o kolo bo k'o feere tulubo izinitigiw ma.

Koɔrikolo tulubo izini ninnu ye baara damine san 2000. Jateminé na, koɔrikolo toni 190.000 min be soro

Benenjamana na san o san, kemesarada la o be tulubo izini ninnu mako 90 ye. Nka sanga ni waati bœs la, koɔrikolobɔ izinitigiw b'a la ka do fara koɔrikolo sɔŋgo kan, k'a geleya tulubo izinitigiw ma. San 2000 la, koɔrikolo toni 1 tun ye sefawari dɔrɔme 5.200 ye, sisana kera 9400 ye. An be waati minna, tulubo izinitigiw y'ujoyɔrɔ ke sefawari dɔrɔme 8.000 ye toni na, sabula, u y'a jira ko dijne suguba la, koɔrikolo toni 1 te sefawari dɔrɔme 11.800 bo, w'a doninsara ka na Benen batondankan na o b'o la. Patiriki Sewade min ye «Filudɔri» nɛmogɔ dɔye, o y'a jira ko koɔrikolo sanda ka di ubolo Togojamana na kateme Benen kan.

Koɔri sɔŋgo binni min be senna dijne suguba la, koɔrikolobɔ izinitigiw b'a fe k'u ka koɔrikolo sɔŋgo ke sanusɔŋgo ye tulubo izinitigiw bolo. Kemesarada la 10 bora Benen koɔri sɔŋgo na dijne suguba la, koɔrifeerelaw b'a fe k'o binniwarin nɔnabila bo tulubo izinitigiw kun; sabula u tene a soro senekelaw la. Koɔri koloma kilo 1 be mine senekelaw bolo Benen sefawari dɔrɔme 20, nka walasa u kana na timinangoya goferenaman y'a jini a ka mine u bolo dɔrɔme 31 ani murumuru 2, walima a k'a mine dɔrɔme 40 na siñe kelen. Koɔrikoloma hake min be soro Benen, o ye toni 375.000 ye, o sanda ka ca ni sefawari miliyari 16 ye. San 2001, goferenaman ye koɔrikolo bɔli kɔn Benen kɔkan tulubo izinitigiw koson, nka, an be waati minna, koɔrikolobɔ izinitigiw b'a fe o ka wuli, sabula, olu naniya ye ka

taa u ka koɔrikolo feere farajela baganmaralaw ma. Kabini baganfarinin dili konna baganw ma, Erɔpu bagantigiw be k'u nesin koɔrikolo ma u ka bagandumuniko la. Farininmugu kera sababu ye ka fa don Farajela bagan caman na. Koɔrikolo toni 1 be san nansaraw fe sefawari 13.755; kemesarada la, dɔrɔme 15 yere bora o la jinan, k'a sababu ke koɔrikolo sanga binni ye bagandumuniko la bene fe. A kɔlsira k'a fo, bene ka ni bagan ma ka teme koɔrikolo kan.

Mujayidu Sumanu min ye jago nɛmogɔba ye Benen kɔnɔna na, o y'a jira k'ale te koɔrikolotulubɔlaw bankun

don ka koɔrikolo toni 1 san sefawari 9451 la, kasorɔfarajew b'a san 13.755. Koɔrikolotulubɔlaw ka fola, n'olu sonna ka koɔrikolo toni san o da in na, u be bin kalo o kalo ni miliyon 200 ye, sabula, tulu min be bo Malezi ka don Benenjamana kan, o da bena diya ka teme olu ta kan.

Nin warikogeleya in na jɔnnin bena fen da gelen san ka da nɔgon to yen. Tulubo iziniw datuguli ni sisana ce, sefawari miliyari 1 nɔgonna taara k'u dan; nka u b'o fisaya koɔrikolo sanni ye da gelen na k'o tulu sɛbekɔrɔba bo ko sanbaa t'o la.

Ferinan Nuwiligibeto
Dokala Yusufu Jara

Ji nɔgo ka mogɔfagata ka ca ni Sida ta ye Farafinna

Geleya min be jiko la Farafinna, o kasaara ka jugu ni Sida ta ye. O hukumu kɔnɔ, kuntilenna min dira hadamadenya netaa sabatili kama, o ye mogɔ hake min te ji saniman sɔrɔ k'a min, sanni san 2015 ce, o tilance ka se ka ji saniman sɔrɔ u bolokɔrɔ. San 2004, dijne seleke naani mogow ye porozɛ sigi sen kan ka nesin ji saniman sɔrɔli ni wulakonoduguw lasaniyalı ma.

A musaka kuuru ye sefawari miliyari 7.100 san 10 kɔnɔ; n'i y'a suman,

musaka min be don dumuniko ni kenyako ani kalanko dafe san o san, a t'o bo, sabula o ye sefawari miliyari 11.000 ye.

Faransi nafoloko minisiri yere y'a jira ko poroze in musaka ka dɔgo fo sefawari miliyari 26 ani miliyon 200 ka fara a kan. Demeñiporoze don ka nesin Farafinna ma. Kemesarada la 40 sɔrɔla a musaka la fɔlo. Fo ka taa san 2007 kunce, san o san sefawari miliyari 230 be labo k'o baara.

Dokala Yusufu Jara

Ji saniman ye nɛnamaya jiidilan ye

Ji saniman sɔrɔli wulakonoduguw ye, o ye Mali goferenaman ka politiki taabolo do ye. O hukumu kɔnɔ, porozɛ min sigira sen kan, n'o ye «AEPA/PNIR» ye, o be ka baara do boloda min musakara Bankimɔnjalı fe, sefawari miliyari 12 ani miliyon 500. Ji saniman sɔrɔlibaara ninnu nesinnen be Kayi, Kulukɔrɔ, Sikaso ani Segu maraw ma. Kolokani ni Kati serekliliw la, kɔlɔnbɑ kura 144 be sen baganminyɔrɔw kama ani ka farafinkɔlon 157 lakuraya ka ke ji

sanimantayɔrɔw ye, k 46 ke baganminyɔrɔ ye. Baara ninnu keli yamaruya dira Tabu, Sibi komini na alamisadon mɛkalo tile 5 san 2005. Musaka min donte ye nin ye jiko dafe, kemesarada la dugumogow joyɔrɔ kera a la 5 ye, kominiw ta kera 10 ye. A be jini mogow fe, bœs k'i hakili to kɔlon ninnu na k'u mine ka ne. O siratige la, kɔlonw be sen dugu o dugu la kolatigejekulu be sigi kolonda topotoli kama.

Karimu Koma Dokala Yusufu Jara

Batakiw

Balikukalankaramogow sarabaliya ye ka balikukan to ko

Karamogoya ka gelen sarakbaliya ma. Sara te anw wulakono balikukaramogow ye. Mali nemogow t'an sara, kuma te an yerew ka dugumogow ma. Karamogow be kalan na su ni tile. Na fora i ki ka baaraw da kerefe, ka taa mogow kalan, sara ti ye, o be mogo caman ban u yerew ka dugukonobalikukan karamogoya ma. Mogo si kelen te karamogoy deme a ka sokonobaaraw ni forokonotaw la. Ni sara ti ye, i mana timinangoya, i be kalanso bila ka duguden tow to kunfinya la; fo ni demedonjekulu do nana ni karamogo dunan do ye dugumogow kalanni kama. Feere min bolodalen don balikukanlano la, n'o ye balikukaramogow sarabaliya ye, o de ye ka balikukan to ko. Wari caman b'a la ka don balikukan dafe, nka n'i y'a ye a te ka ne soro, o kunba do ye dugukonkaramogo sarabaliya ye.

Faraban Balo balikukaramogoy don Kotuba, Kita mara la

Faraban Balo ye funun sogo a nenmayoro la

Kibaru kanubaa min be bo Kotuba, Kita mara la, n'o ye Faraban Balo ye, a kumana balikukaramogow ka geleya min kan, tan don, kelen ta je. Geleya in be karamogoy kan kabini balikukan damine. A be wulakonoduguw la, a be dugubaw kono; nka, wulakonokaramogow ka geleya ka jugu ka teme dugubakonkaramogow ta kan. Sara te balikukaramogoy ye, hali ni samiyen sera mogo si te taa bisira kelen bo karamogoy ka foro la a fe, kuma te dugumogoy kuuru ma, hali balikukalandenw, u si t'o hakili numan soro. Hali kenyereye minnu bina karamogoy ta k'u bila balikukan na, olu tu sara ka ne. O de kelen be ka balikukan to ko i ko sentonto; ka balikukaramogow to nin dabolo jugu in kan, balikukan

te ke kumberekuru ye ka sin fe. Jamana nemogow k'a laje, bec ka kalan soro teliya la, o sira do ye balikukan ye.

Yaya Mariko ka bo kalabankoro,
Kati mara la

Joyorobere te balikukan na Mali kono

Sanga ni waati bec la, i b'a men ko lakoliso do dayelela nin dugu in na, nka, a te men tuma si la, ko balikukanlano dayelela fan si fe. Bamako fara an ka wulakonoduguw kan, fanga te balikukan na. Wulakonoduguw yere ka fisa ni Bamako ye doonin, nka, olu ta soolosaalaju ye a karamogow sarabaliya ye.

Dugubaw kono, dow mana mogow sigilen ye balikukanlano kono kalan na, u b'u wele ko «Cintaw» seben fosi te nenabofasokanw na. I mana jo balikukan na cogo o cogo, a te baara were lase i ma n'a karamogoya te; o dun ye tokaje ye sabula, i ti musaka soro o la, fen man ca balikukaramogoy ye jamana in kono, nka joda fosi t'u bolo. O b'a jira ko joyorobere te balikukan na Mali kono. Ni jamana nemogow m'a laje ka feere sigi sen kan balikukarmogoy jolenw timinandiiali kama tow kalanni na, jamanaden bec kalanni min kofora fasoklanw sababuya la, o na dan sebenw konona na, a te waleya.

Isa Jalo ka bo Kedugu,
Kati mara la

Pesonni ye misi saba faga Masantola komini na

Jinangelya inma dabo numankama. A kera sababu ye ka hine ni nognedeme ani kelenya silasa wulakonoduguw la. Sigi konona na, fen dow be yen ni mogow m'u janto olu la, a laban an ka hadamadenya nefoli be geleya ka da an ka kewale jugu dow kan. Ala ye da o da da; ni sumain ma don a la, bogobe k'a la. Se be anw hadamadenw ye k'an dahirime jini, nininko numan, nininkojugu. Baganw fana be ten; nka bagan ni mogo te kelen ye de. Wulakonoduguw la ni sumanladon banna baganw be bila u yere ma tile fe, u ka taa dumuni jini u

yere ye yanni sufci ce. Owaatinin in ye waali gelenba ye bagantigiv ni nakosinsantigiv ni pogonce. Nakotigiv be Ala mine ka kocriponi be no na k'o sigi u ka nakow kono, bagan min mana don nakokono k'o dun, o be sa. Marisikalo temenen in san 2005 misi 3 fagara yoroni kelen nin cogo la Masantola komini na.

Ne b'a jini senekelaw fe, an ka hine nognon na, k'anka nakowsinsan ka ne, ka nognon bolofenw lakan. Don do sentan ye don do weretigi ye.

Dotinan Jara ka bo Masantola
Kebani mara la

Dobolikokuma ma fo koori senefenw na

Wulakonoduguw la, tilemabaaraw b'u tannifilafili la : bogobaaraw ni nakokonobaaraw.

Kati mara la, nakotigi caman be siraw turuu ka musakaninw kama. Nka sira caya kojugu suguw la, a te songoba la tuguni. Sirakuru 1 songo be dorome 15 ni 20 furacew la.

Tarata su, marisikalo tile 1 ani alamisadon kalotile 3 san 2005, sanji sebekoro funfunna anw ka yorow la fo ka sumaya da. O y'anw hakili jigin forolabenw na ka bila samiyen kura ne : sumanforow ni koeriforow. Nka koeriko jore b'an na de ! sabula dobolikokuma ma fo koori senefenw na. U ko «CMDT» y'a jira ko do bina bo koori songo na senekelaw bolo. An b'a jini o dobolikokuma in ka ke sirafekan ye, a kana ke sebekan ye. Koerisene kera dusukasiko dan ye. Nogo ni bagaji songo ka ca, dobolikokuma ma fo olu la. senekelaw ka here dogoyara koerisene na; koori te pese joona k'u ta k'u wari sara. Sanjib'a la ka koerigosi kabinisian; o bec ye tijeni do ye koerisenenaw kan.

Nijamana nemogow m'o laje ka dabali tige, forokonin be to a dogisara la.

Isa JALO ka bo Kedugu Kati mara la

ma tige sidabana kumbenni na sida be son k'o mogo hake mine yanni san 2010 ce. Cakeda min pesinnen don sida keleli ma Mali kono, o ye nin kunnafoni in lase.

Sefawari milyon 200 : Sotelima ye negejuruso kura min jo Lulo Keneba mara la, o musaka benna o ma. Kunnafohi n'a dicogo kura minisiri Gawusu Darabo tun be yoro kura in kurunbonkarili la. Nin bina a to tegekonotelifoni ka keneba n'a lamini lasoro.

Sefawari miliyari 1 : Denmisien 2000

Misinsonw ko sarimisiw te ciké ninan

Dugulenson mine man di. Fana mara la, misinsonw kelen be ka dijne negebo cikela bagantigiw la. Mobilib'u bolo, u mana misi minnu mine, u b'olu faga ka taa n'a sogo ye. Nsonwy'a sebenni min ke ka noro balikukalanso da la ko «sarimisiw te ciké ninan», u b'a la k'o lahidu in tiime.

Fana mara la, dugu min be wele Cen, Jumazana komini na Marakakongo, k'a damine marisikalo tile 20 na ka se awirilikalo tile 19 ma, nsow ye sarimisi 10 mine.

Marisikalo tile 20 ta kera misi 2 ye, Awirilikalo tile 8 ta kera misi 2 ye, a tile 12 u ye misi 5 mine, a tile 19 u ye misi 1 mine.

An b'a nini kerékerénneny la Santigila polisiw ka fara Kaselataw ni Yirimajo polisiw kan, u k'an deme misinsonw kana n'an bolo sarimisiw ban ka kura ke an ka geleya la. Senekela ka cikemisi sonyabaa y'a fagabaa ye.

Abudu Tarawele ka bo Cen, Jumazana komini na Fana mara la

Ninan kooriwari ka sara ten sa

Koorisannaw ni koorisenenawta kelen be kumamugu dan ye. Nka koorisannaw k'a don ko «bilasirayoro jan, o te fenbokungo datugu». Fosi man di senekelaw ye sisan n'u ka ninan kooriwari sarali te. San o san do be bo koori songo na, nka san o san do be ka fara nogo ni bagaji songo kan. Kojamana ntuloma ye senekelaw ye, o ye kuma koro ye Mali la yan sabula, olu kelen don degesusukolonkalan ye. Malosenenaw be kulela jisongo bolo, anw nosemenaw be nani na sanjidese ni dugukolo nogontanya bolo.

Angere bore 1 songo be ben no kilokemebore 2 ma; n'a fora nesenena k'o san warije la, forokonin na to a dogisara la. Nogokogeleya te koorisenenaw ni malosenenaw dama kunko ye, a degun be nosemenaw fana kan.

Bazumana Tarawele ka bo Denenba, Namina komini na

Poyi : Dannaya banna

Ne hamina, n jorela bi maaya la. Dannaya banna.
I mana min k'i gundodon nogon ye, o folo b'i gundo poyi.
Fobalifo ni dunbalidun ani kebalike kera bimogo taalan ye.
U mana i korofoi damine,
I mana surunya u la, baro be yelema.
I mana i kodon, u b'i sogo dunni damine.
Bee ko n ye silame ye, n ye keretine ye.
Ala be yen, saya ye tine ye.
An ka fara nogonsogodun na walasa an ka laafiya an sigidaw n'an ka baarakayorow la.

Seku Umaru Konare ka bo Jifalen, Jedugu - Torodo komini na

Motobatigiw be nini ka bee ke dabaato ye

Waati bee n'a lako don. Bi, motobaw cayara, u kasaaraw fana danteme cayara. U ka mogo kasaaralen fanba bee be sa. K'a damine san 1992 la, ka n'a bila san 2001 na; Sotaramatigiw ka kasaara tun kera damatemewale ye Mali kono yan. Faamaw y'u joyoro jira o la, sisan caman bora olu ta la. An nana a ye san 2003 ka se 2004 ma, don o don, motoba kura tigwi ka mogo fagata de ka ca sirabakankasaaraw la bi. Ni faamaw ma wuli k'u jo o fana na, motobatigiw be nini ka bee ke dabaato ye.

N'i ye jateminé ke, dugu je o je, dokelaw de be bo duw kono ka taa du dahirimé nini; kemé sarada la, n'a fora don o don motobatigiw ka mogo 25 faga olu la. Kelecogo te faantanya la dugubaw kono.

Yaya MARIKO ka bo Kalabankoro Kati mara la

Togo fila be senekela la

Bee lajelen b'a kalama ko Mali be joyoro folo la koorisene na. O ye Malidenw ka cesiri ye baara fe, w'o baara in taabolo ka ni kesse. O de koson ce ni muso bee be waso la n'o togo diya ye. Nka, a'ka don togo fila be

senekela la de. Ni kooris ni nogo ani bagaji dituma sera, senekela togo folo be ke «Minabara» ye. Kooriw mana pese k'u don mobilibaw kono kaban, a togo be tunun pewu. Kooriwari saratuma mana se, senekela togo filanan be ke «E wulu, ne wara» ye. Sabula waridilaw b'u dogo senekelaw la i n'a fo waraw b'u dogo wuluw la cogo min na.

Aa! n'an ma nogon mogomine doonin, digi na ke balan kun kelen na de.

Soyibajan Jara ka bo Kodumandala,

Wolejedo, Nonkon komini na

Senekelaw ye degesusukolonkalanw ye

Koorisannaw ni koorisenenawta kelen be kumamugu dan ye. Nka koorisannaw k'a don ko «bilasirayoro jan, o te fenbokungo datugu». Fosi man di senekelaw ye sisan n'u ka ninankooriwarri sarali te. San o san do be bo koori songo na, nka san o san do be ka fara nogo ni bagaji songo kan. Kojamana ntuloma ye senekelaw ye, o ye kuma koro ye Mali la yan sabula, olu kelen don degesusukolonkala ye. Malosenenaw be kulela jisongo bolo, anw nosemenaw be nani na sanjidese ni dugukolo nogontanya bolo. Angere bore 1 songo be ben no kilokemebore 2 ma; n'a fora nosemena k'o san warije la, forokonin na to a dogisara la. Nogokogeleya te koorisenenaw ni malosenenaw dama kunko ye, a degun be nosemenaw fana kan.

Bazumana Tarawele ka bo Denenba, Namina komini na

Poyi : Danbe

Danbe banna.
Anw bimogow mako ma ye danbe la.
An te malo, an te saame.
Nemogo tun mana i kon cakeda la, o don i tun be maloa hali i kun tun te se ka kora.
Nka anw bimogow mako t'o la. An b'an sigi n'an yere ye, ko nemogo ma taa folo.
Nemogo te bonya tuguni anw fe.
Lakolikaramogo koni ko te,
Denmisew te tanga si da o kan
Langile Solomani Kulubali
ka bo Korokoro Zan Kulubali
komini na Fana

Kalankene n° 28nan

Duguyiriwalikalanso kalangafew n'a kalansenw (san 3nan ni 4nan)

San sabanan

- Jate san 3nan (calcul 3è année), PIP, 1997
- Kalanjé san 3nan (livre de lecture 3è année) PIP / ACODEP, 1997
- Tariki san 2nan ni 3nan (Histoire 2è et 3è année).
- Jamanakalan san 2nan ni 3nan (Géographique 2è et 3è année)
- Du musaka san 2nan ni 3nan (Economie familiale 2è et 3è année)
- Kéneya san 2nan ni 3nan (Santé, 2è et 3è année)
- Baganmara-lamini-sène, san 3nan (Elevage - environnement - agriculture 3è année) PIP / ACODEP, 1997,
- Sébenni démenan (Guide pour la rédaction), PIP/ACODEP, 1997.
- ladamu ni fasodennumanya san 2nan ni 3nan (Morale et éducation civique 2è et 3è année)
- Walafili ni kalanje teliman (Rédaction et lecture rapide) ACODEP 1997.
- Français 3è année PIP/ACODEP 1997.

San naaninan

- Jategafe san 3nan ni san 4nan (livre de calcul 3è et 4è année, ACODEP, 1997.
- Sébenni feerew (techniques de la rédaction) ACODEP, 1997.

- Fasodennumanya ni desantralizason (Education civique et décentralisation) ACODEP 1997
- Du musaka san 3nan ni san 4nan (Economie familiale 3è et 4è année) ACODEP 1997
- saniya ni kéneya (Hygiène et santé) ACODEP, 1997.
- Baganmara-lamini-sène (Elevage - environnement - agriculture) ACODEP, 1997.

An ye nin kunnafoniw soro Duguyiriwalikalanso sigicogo n'a kjenaboli jendenni démenangafe kono, min labenna san 2002 CNR-ENF fe.)

Mahamadu Konta

Dukene 12nan : Gajaga celasigi

An ka awirilikalo salen in dukene tun be furu kecogo kan Gajaga kónona na. Gajaga be Senegali Ba numanbolo kan, k'a damine Gandela ka n'a foori Keju na, Kayi ni koron ce. Kuma lasurunya na, Gajaga be Kayi mara la. Sen in ta ye Gajaga celasigi ye. Kojoso dögokun be ke nisondiya la. kónomuso man kan ka ye kénema tilef; sanga ni waati bëe la, a bunbunnen don sange jukor. A ka dunta ye seri ni sesogo ani ji nkogodilima ye, a te sogo bilen dun. Ni kojoso be bo, fen minnu be kónomuso bolo kojoso la yen, olu be minne ka di majomagan ma, ka fara u ka sakarotow ni sumankisetow kan ka laban ka wari da o bëe lajlen kan. Muso be soro ka yéléma a ce ka so kono kalosabake la. A kalo folo kónona na, ni kunko nana a celadu la, ko sokónomuso caman taara o la, kónomuso be bila baara misenninw na sanni olu ka kosegin. N'o ye yorofuranw ni jousuw ye. A ka ca a la, kónomuso caman ka kalosabake be kunce ni kónomaya ye. Kalo 3 in kónona na, kónomuso be da deben doron kan, a te basi dun. A be to ka muso tow deme baara la sanni musokorobaw k'a bolo don tobili la. Kónomuso gatardon ye jenajeba ye dugu kono.

Ni kónomuso te duguden ye, a be kalifa mögo wère la dugu kono. O be a ka fakoyoyorfa. Foyogonkó mana don a n'a furuce ni nogon ce, o kuma be taa fo o ye, o b'u lasabali. Kuma si te lase muso wolofa ma ni min ma furuboloma bolokéne dugu kono. Ce bëe yamarualen don ni muso 4 furuli ye, n'a se b'i ye. Centa be ba la kosebe Gajaga kónona na. Folo, ce tun be se k'a furumusow dafa 5 la n'a ka jomuso d'ye. Nka, o te ne fo a k'o kankohonya folo. Ce furumusow do don, a donni ma kón o kan, nka a ni muso tow te damakejé su hake la. Du kelen kono, musow be tobili bo nogon koro. Denke min mana muso don, o musob'oba bolobodú foroba baaraw la. Muso min ye tow kón so kono, o de be sumanjo bo ka di tobilikela ma, sumanmarayor. konnegé be mara a bolo. Marakaduw kono, lamoden musoman be soro muso caman bolo,

hal ni wolodenw b'u yérew fe. Sokónona kope bëe kalifalen don muso köröbalen na. Yorë bëe n'a delinanko don, marakamuso be se ka muju ka sancaman sigi k'a furuce makoh sanni o ka na ka bo nafolopiniyor. N'a ce mëenna ka dantem, a be se k'a bolo wari nisanu ani a ka baganw bëe feere, k'u don a ce soseginni dafé. Musow b'o taakasegin ninnu ke dogo-dogonin na; wanimarakamuso mëenna furuso kono kasor a ma den soro, a b'a ce yamaruya o ka muso wère furu ka fara a kan.

Gintanba te denkundi la Gajaga, woro damadonin be don cekorobaw bolo u ka dugawu ke denkuranin ye, musokorobaw be na ni safunew ye, dòw be filenfajo walima filenfatiga di den ba ma. Ko kuntaala janba te, dòw be bo denkundiyo la ka sin u ka baarakéyorla (foro, bogobaara, finiko, jita ...)

Marakaw bara, muso kónje folo, denkundi mana ban sira be di a ma, a ka taa tile 40 ke a faso la. Den minnu mana dabò sin na, olu be yéléma du musokoroba ka so. A ka gelén, i ka se ka dentigi ni denntan don ka bo nogon na du dòw kono. Dakurune fila be yen, olu foli ce fe a muso ma, o be furu sa, halii kiiri te ke a la. Malobali ni nogolen, ce te nin dañe fila in fo furumuso ma. Malobali b'a jira ko muso tun te horon ye yanni a ka furu, nogolen koro ye ko furu den te.

Kaba Juwaara/Dokala Yusufu Jara

minnu bëna soro ka forobabaara ke ni sara t'u ye, o baaraboloden musaka don san 1 kono. Nin ye feeré sirilen ye ka nesin Mali kono baarakogeya ma. Sefawari miliyari 2 ani miliyon 600 = Basigi sabatili kalanso min bëna jo Bamako, o musaka don. Nëmogé min b'o kalanko la n'o ye komandan Bo renzin ye, o ye nin kunnafoni in lasejumandon mckalo tile 6 san 2005 jamanakuntigi Amadou Tumani Ture taalen bo u ye Kulukoro.

Sefawari miliyari 15 = Mali goferenaman y'o labila «CMDT» ye a ka san 2005 - 2006 körisko kanpanj kama, geleya min b'a kan do ka bo o la. Samiye kura labenw bëna ke n'o wari in ye .

SSefawari miliyari 113 ani miliyon 600

Basitigiba Dawuda Sitaane bilala kaso la

Dawuda Yatara min bɛ wele Sitaane ni basitigiba don Bamako, kabini awirilikalo tile 6, a bɛ sariya ka bolo kan. A nɔ minen don Kasimu Kamara fagali la.

Kasimu fa Burahima Kamara ka fo la, ale denkə dɔ, n'ɔ ye Danduma Kamara ye k'ɔ y'a fo ko Kasimu Kamara su yera sokra labanbalidɔ kono, Dawuda Yatara ka so ni tilebin ce. A tun nɛnamanogosilen don kiseda fana tun b'a la. Cekoroba san 65 in ka fo la halisa, ale denke Kasimu Kamara fagara a terikɛ Modibo jɛna, u bɛ min wele NFani. Awirilikalo tile 5 san 2005, polisiw ye NFani mine k'a datugu Bamako kasobonba la.

Ka polisiso 5nan to sègesegeli la Kasimu Kamara sacogo nɛninini na, Senu pankurunjinginkene lakanabaaw bora o ka mobili jolen kan Senu sira la. Kasimu Kamara yere su taara ye Bajoliba kono Sotuba dankan na.

Polisiw ka sèben dɔw la, a yera k'a fo Kasimu Kamara ye siŋe 7 nɔgɔnna k'e Bamako - Kura kasobonba la waleyajugu caman senfɛ, i n'a fo nsonyaniw ani ka ye kojugukejekulu dɔw la. Danduma min ye Kasimu baden dɔgɔkɛ ye, o y'a jɛya lakanabaaw ye, k'ale ye Kasimu ka saya dɔn Ayisa fe, Ayisa ma sonabada k'a yere jira Kasimu ka somogow ni sègesegelikew la. O ye kamanagankoba ye Kasimu ka sayako kono; sabula, kunnafoni fen o fen bɛ Kasimukola k'a jira ko Dawuda Yatara jelen t'a ko la, o bɛ dennen don Ayisa in na. Dawuda Yatara Sitaane, a ka awokaw la, Jopu y'a jira ko sinsinyɔrɔ te mogɔ si la k'a fo ko Dawuda Yatara nɔ be nin waleya in na. A ko Kasimu su fcto minnu tara bada la, k'olu te se ka ke sinsinyɔrɔ fana ye, ka da a kan, a su meenja ji la wa dogotorow fana m'a sègesegɛ k'a sakunfo. Kasimu Kamara fagabaa kera Dawuda yatara ye o, a ma k'a ye o, a tun ye somadɔnniya birifini min biri a yere la, a ka miñeni in kɔni y'o bo a kan.

Dawuda Yatara si hake bɛ san 30 nɔgɔnna na, a bangera silamedu kono, nka a yere kera basitigi ye min tun te mogɔ si yamaruya i ka Ala togo fo a ka so. Bamako, Dawuda Yatara ye



sitaane sankɔrtali sebekɔrɔ welemada, a kodiyara dɔw ye, nka a labankɔ jɔrɛ bɛ mogɔ caman fana na. Nténedon mekalo tile 9 san 2005, lere 16 kera Dawuda yatara ka sowolomani na; k'a damine sogomada la nɛgɛ kanjɛ 7 ka se sufenege kanjɛ 23 ma. Fosi ma soro min bɛ se ka kɛ Dawuda Yatara coronko ye.

Nka Mori Makasuba min tun bɛ wele Sigiri Bilakoroba, o tununiko kuma wulila. O tun ye Dawuda yatara baarakɛnɔgɔn dɔye, nka olabanna ka sinaya sama ni sitaane ye. Siga kelen don a fe o fana ka saya la. Mori Makasuba fana tun ye basitigi ye, a bora Lagine ka na a muso nini Bamako. Mogow b'a fo ko «fen minnu ye kelen ye, olu bɛ fara nɔgon kan». Tuma min na Sigiri Bilakoroba ni Dawuda ye nɔgon dɔn, u kera gundokɛnɔgɔn ye. Dɔw ka fo la, Sigiri Bilakoroba tun ye basi dɔbɔ k'a juru don Dawuda Yatara la sefawari miliyon 5. O ma son ka juru in sara. Gelyea nana don basitigi fila ninnu ni nɔgon ce. Bilakoroba sera Dawuda Yatara ma o la, k'a sebekɔrɔ lagosi, k'ale t'a dɔn ni fos' ye yerefola ko. O kelen, su dɔ fe, Dawuda Yatara ye Sorodasi komando dɔsara k'o ci ka taa Bilakoroba kama a jatigila la Sebeninkɔrɔ. Bilakoroba tun te so a su, nka ciden y'o kɔrɔkɛ Sayɔn Makasuba sebekɔrɔba gosi. O kofe, o komando kelen in ni Modibo Keyita min bɛ wele NFani, a ni Kasimu Kamara min fagaliko kuma bɛ senna ulabanna ka na Bilakoroba nini kokura a ka so. Ufɔra a kɔ tuguni. Bilakoroba ye Sebeninkɔrɔ bila ka yelema Kangaba. Uka fo la, lakolikaramogɔ dɔ

min ye lafinɛbo ta a yere ma ka don donsoya la, ale ni donsokɛ wɛre u fila bee be Kangaba, Dawuda Yatara y'a siri olu la, u ka Bilakoroba mine ka n'a di a ma sefawari dɔrɔme 50.000. K'ɔ kelen, donso fila ninnu ye kameratigi wele u fe, ka taa Bilakoroba tɛgɛ fila siri a ko ka n'a don Sitaane bolo.

Gameri A. Diko / B. Karabenta
Dokala Yusufu Jara

Keniya, sariyatigela dɔ ma jen n'a ye jamanakuntigi muso ka wele kiiriso la

Kilifori Deriki Oceno ye Keniya telewisonso kameramani ye, a tun ye u ka jamanakuntigi muso madamu Kibaki wele kiiriso la, nka sariyatigw ye sira da a ne. N'i ye Keniya sariyako jate mine, kiiritigew ka nemogɔba ye goferenaman ka laadibaajkuu mogɔ do ye. O hukumu kono, se b'a bolo ka jamana kono kiiriso bee lajelen ka ko bolodalen dɔw silasa minnu te taa goferenaman jiminsira fe.

Kilifori Deriki Oceno min ye kunnafonidila in ye, a ka awoka tuny'a nini Nairobi kiiritigela fe, o ka yamaruya di jamanakuntigi furumuso ka wele k'a kiiri. Nairobi kiiritigela y'a jɛya a ma k'o fanga t'ale la. Kilifori Deriki Oceno ka awoka b'a fe ka madamu Kibaki wele Keniya kiirisoba la. Su do fe mekalo damine na san 2005, madamu Kibaki n'a lakanabaaw cunna kunnafonidilaw kan u ka baarakɛyɔrɔ la, sabula, k'olu b'a fe k'ale ka denbaya ka ko dɔw da kɛnɛ kan. Madamu Kibaki lakanabaaw y'u ka tegekonotefoniw n'u ka sèbenw bee mine u la. Uye Kilifori Deriki Oceno gosi k'o ka kamera kari.

Dokala Yusufu Jara

Fənjənkə bə to ka təmə jinew ni məgəw cə

Məgəw ka fo la, kabini lawale la, fənjənkəni nəqəndəməsiraw bə deli ka temə jinew ni hadamadenw cə. Gələya delilə ka don dugu minnu ni jinew cə; n'u ma fara diya la, o kəra sababu ye ka jins foli dabila o yoro ninnu na. Dəw b'u wele sigifənw, dəw ko kungofənw. Fənjənkə ninnu caman «k'uk» de ka ca ni seere b'a minnu na ye. Koyon ye dugu ye min bə Sirakorla komini na Kulukoromara la. A ni Dəribugu furance la kulu jəndə bə yen min dogodogo bə wele wəkulədugu. Numumusow bə to ka taa bəgə ta yen ka dagaw dilan. U ka fo la, məgə te banakəta ke o kulu dogodogo in na. Kabini i mana kulusi ntoolo k'i b'i sigi banakəta ke kama, fən də b'i nəni ka kuma də fo min te sidən. Ka ne to ləkəli la Koyon, ne tun bə to ka taa bəgə ta n jatigimuso ye, nka don si da kelen na, ne ma son wəkutədugu bogota ma.

Falu komini na, Nara mara la, dugu min bə wele Zankarabala, ni bi te, məgə tun te si dugu forobagəle kan k'a sababu ke sigifən də ye, u bə min wele cəjan. Lakalibaaw ka fo la, a kundama tun bə metəre 10 nəqənnə bə. Su dugutila, a bəna sunəqəbaato

do sen sama, n'i y'i kun kərəta, a b'i sen bila k'a kə don ka taa. Jatige fe, o b'i cun ka boli ka taa ka sunəqəbaato təw to yen. Cəjan in bəna bəs kelenkelənni kunun nincogola. San 1996 ye ne sərə balikuləkəraməgəyəla dugu in na, o y'a sərə məgə te si gələ in kan.

Sirakorla komini kelen in na yen, dugu min bə wele Sanamanin n'a ni Koyon cə ye kilomətəre 20 nəqənnə ye, dakabana jiri fila bə yen, məgə te bə olu ni nəqən cə. Sanamanin bə Koyon ni kərən cə, nka dugu fila in bə Sirakorla ni saheli cə. Bunbunsun fila don ka wuluncorəgo melenge u la ka təmedan in bila unı nəqəncə. Bagan fara məgə kan, n'i bərə jiri fila in ni nəqən cə, fən də bə busan ne kelen k'i la fo i bə kule. K'an to bagangeyərəla, u maarila ne yərə kərəke do la fo k'a fari gan. Sisan, jiri fila in jalen don, nka halisa məgə sənən te k'a kərəbə. Anw ka dugudən mako mana se u fanfela ma, u bə jiri ninnu fəngə fo metəre 50 nəqənnə, məgə te sən ka gərə u la. Sangarebugu komini na Kati mara la, Sigida min bə wele Saranbugu. Marasəyi, kəbolo jan də bə bə Safo kəfə ka na suurə Bajoliba

kənə Sotuba ni Mali jamanakuntigi kərə Alifa Umaru Konarə ka sofurancə la. O kəbolo in bə wele Farakəba. Saranbugu - Marasəyi dugu dan na Safosira la, folon də bə bə kulu sanfə ka na bila Farakəba la. Sorodasi də bə ka so jo o folon in dala; san 2004 samiyə, so in jora ka ban don min na, o dugusejə fununfununnin bərə Farakəba fanfə ka na so in yərəkə duguma. Alabanna ka so in jora kura ye k'a təli da ka kələsibaa don a kənə alamisadon məkalo tile 5 san 2005. Jumasu kəra o su folo ye so in kənə. Jumadon məkalo tile 6 san 2005 tilegannəgə kanjə 13 təmənen ni sanga 37 ye, fununfununnin in bərə Farakəba fanfə ka na so in təli ta ka taa a fili fo yoro jan, k'a təlidən 45 bə kari-kari. ne ni so cə tun te temə metəre 60 kan təli tatuma, n bətə n sənnayaalayərə la. Karidən məkalo tile 8, sorodasi ke ye məgəw bila ka na təli kura da a ka so kunna. Jənni bə jinekələ dənyorə dən?

Nin nəqənnə dabalibankə kelen mana ke minnu ka sigida la, u fəna bə se k'u səben k'u ci an ma, an k'u labə Kibarə kənə.

Dəkala Yusufu Jara.

Yiriwali bə sabati ni fasokan ye

Yiriwali bə sabati ni fasokan ye, jamanaden fanba bə kan minnu fo. Nin kuma in bə ka fo an ka jamana kənə kabini bi te. Nka məgə minnu dalen bə kuma in na, olu man ca, sango məgə kalannen minnu faamuyalen don tubabukan na. Jumadon, məkalo tile 20, san 2005, barosigiba kəra an ka sannakalansoba (Iniwərisite) bolofara də la, n'o ye «FLASH» ye. Barosigi in labənna fasokanubaanciwa ka tən fe, a ka sanyələmaseli 14nan hukumu kənə. O kənə kan, ləkəlidən kərəba dəw y'u ka siga-siga n'u ka jərew jira fasokan kalannikola, k'a jira k'u te se ka yiriwali ləse malidenw ma. U karaməgəba Salifu Bərite ye kuma nini, k'a jira a ka kalandenw na ko nəqən kunfinyakuma tun ka kan ka mən bəcə da folakəlidən kərəbaw. Bawo a nəka masabajamana minnu təməna, Wagadu, Manden, Songoyi ani də wərew, ninnu bəs jora n'an ka kanw de. ye : Soninke, Maninkakan, Kərəbərəkan, ani də wərew. Kan man fisə ni kan ye. U fəbagaw de ka fisə ni

nəqən ye. Ni min ye səbə ke, o ka kan bə yəlen. Ni səbə te minnu na, olu ka kan bə jəgin, o labən bə tunun. A y'a jira kalanden kərəba ninnu na, u k'u cəsiri fasokanw layiriwali fe, bawo bəs lajəlen de kunko don. Barosigiba in kumasenkun tun ye : Jamana ka feərə kalangafəko ani kalanminənko la : Fasokan gafew dilanni bə jəyərə jumən na o hukumu kənə? Kumətigə tun ye Hamidu Konatə ye, n'o ye Koperatiwu Jamana nəməgəba ye, Mali gafedilansow fəna kəntigə don. O y'o da bila kumasenkun in na k'a tərəmə. A tilən, kuma lateməna jama ma, ləkəlidən kərəbaw, karaməgəw fasokanw kanubagawani məgə caman wərew, minnu tun bə kənə in kan, u ka nininkaliw kəwaliwa k'u hakilaw jira.

Bakurubəfə la, an bə se ka min ke somogəsama ye, o file : kabini Mali y'a yərəta, fasokanw layiriwali kəra jamana nəməgəw haminankobaw də ye, kunfinya kələli kama ani yiriwali sabatili. Nka baara in ma ke jamanadenw sago yekada fəncaman

kan : - Məgə kalannen caman ka lajini te fasokanw yiriwaliye. A ma ke politikiməgəw kuntilenna ye halibi - Nafolo minnu bə don an ka kanw yiriwali dəfə, o fanba bə bə an dəməbagaw de kun, olu de sago bə an ka kanw na, an yərəw sago t'a la. Dənniya caman bə yen, an ka kan ma yiriwa ka se olu sərəli ma folo.. Nka gələya ninnu n'uta bəs balikulan sera ka don jamana yoro caman na, kanfilajəkələndonna ləkəliso misenni caman na, duguyiriwali kalsow bə ka dayələ ka taa a fejamana kənə. Nin bəs n'a gələyawdon, fo məgəw sərəla, minnu y'a jira ko labən te fasokanw yiriwali la. Təjə don, kunfinya kələli ka bə an ka jamana kənə, o ye diyagoya ye jamanaden bəs kan, n'an b'a fe ka jate dijə jamana səbəkəlaw fe, ka banajuguw, kəngən iminəgəjanisəgen kələ ka bə jamana kənə. An dəməbagaw ka ca, olu bə k'an file. N'an ye sira tilənnən mine kələndən, u bə tugu an kə, k'an dəndən, k'an jukərəmadən, u sekə damajira la. Nka n'an yərə kəra an yərə jugu ye, olu ta bə juguya n'an ta ye.

Mahamadu Konta

Morikenin ka musonegenfeere tun ka bon kosebe

Kojugu kunyanfan ye wulakoncémisenniw ye Bamako. A bëe lajelen kun tun be sariya dò kòr danbew lakanani kama u sigidaw la. Kuncaman b'a dòw ka sigidabila la ka na dugubaw kono : dugukolokokéle, kulusijalako, laadawtiñen, nafoloni, nsonyani, duguba nege, baara nesiran, nisongosaraw ni wusurusara neboli... Kojugufenofen be ke dugubaw kono, n'a bora nafoloniinaw na, a to bëe ye bokojuguw no ye. Sanga ni waati bëe la, i tulo be kibaruya jugu de la u kunkan. Cemannin minnu be ka dòonin kalan, olu de musonegenfeere ka bon kosebe.

A be fo ko laharan kulekan fôl bëna bë morikunda, mogo be jini ka da o kuma in na; sabula, alako kalanbaaw ka kota fanga ka bon an be waati min na. An b'a fe ka baro min b'oa'ye, oye mörikenin do ka alakotabaara ye ka jesin musow ma. Bëe tun b'a wele Keyita; Ala tun y'a sigiyoro bën Sankarebugu Alakolonninda ma, Kati mara la. Keyita digilen meenna soju la kasoro mogo bëre te don a kan. Tuma min na dahirime nana geleya a ma, a ye kalemu ni kitaabuw da kerefe ka wuli ka balo jini a fanga na. Tile fe a be masonkrobaara ke, su fe Keyita be teme n'a ka moriya ye.

Dosokoro t'a sonsoroncogo bila k'a b'a buranna na. Ka Keyita to kalanyoro la Baninko fanfelanw na, a minena a karamogodenmuso do la k'a baadebe walo fo a ye banakotaa ke. A ka soro ka kene minen'a yere ye ka n'a jemajé Sankarebugu la waati kunkurunni. Sunkurunni mana na baarakedenya na Bamako, a ka ca a la, a dòw be ke kulu ye ka si ngou fe. Keyita jabaala tun tugulen don o sunkurunninsiyo cp ia. Wulakoncémusomanninw mana ngou a manu, i b'i to fo yoro jan k'u barokekan men. u ka baro do tun be musow ka kònodimi kan. Keyita kamanagannen tundona gerekola musomannin ninnu na. A ni olu do feren, a y'a jira o la, k'ale ye farafinfurabola ye. Ala barika la, a koni ka fura sera ka musomannin fila ka kònodimi kénaya.

Nka olu ta kofe, Keyita ye bolo kura fara a ka furakelicogo kan. Aye daga do don, n'a be muso min furake, a yere b'o ko dagaji la; ka naasi ke k'o sigilan fila seben k'o laban ni amiina sebenni ye a yere cemancelakalemu kun kan; ka soro k'a maamako ne o muso la, fo ka taa amiina joosi ka ban pewuka bo ka kalemukala la. Keyita meenna k'a namadunan sigida baarakedenw n'a musobanana caman na nin cogo la, fo ka na se zulyekalo tile 26 ma san 2004.

Setu ye muso ye min ye fan caman yaala a ka kònodimi fura jinini na, walasa a na den soro. Keyita ka muso furakelen do, a ma cènimusoya ta ka min seger, o ye Keyita kofe Setu ye. Setu ka fola, kabini Ala y'ale da, a ma walice kanu mine a dusukun na. Dagaji kolen kofe ka naasi ke k'a sigilanw seben fo ka ko were damine, a dusukun y'a soso; a girinna ka mörikenin ta a cemancelakalemu sebenni ma, k'o saman.

Keyita tora ka Setu deli n'a te jini ka sujudu bin a ye. A kera mörikenin cemancelabolo samanni te kötigé, Keyita ye kule bë.

Siginogonw girinna ka na, Setu k'a te mörikenin bila fo a k'a jeya ale ma n'o ye furakeli do ye, walima n'o t'a do ye. A laban, a ye jor ko Ala fo, a ko nin ye

farankan ye ale ka furakeli la. Baarakedentigiw ni musocew ka soro ka Keyita foroba lakari k'a gen ka bo sigida la. Kosa in na sa, any'a men ko togotinemorinin yelemana Bamako, Bankonin Farada la.

Dokala Yusufu Jara

Sefawari miliyari 113 ani miliyon 600:

Demebaaw ka bolomafara hake y'o ye Mali ka san 2005 baarakenafo la. U ka salon ta benna sefawari miliyari 33 ani miliyon 300 ma.

Sefawari miliyari 2 ani miliyon 200 :

Sikaso mara kungokolo topotoroze musaka y'o ye. Dabali min tigelen don sokonca göninko la n'o be wele «SED», poroze in sigira sen kan o hukumu kono. Faransijamana demedonjekulu min jesinnen don yiriwali ma war i kofolen uin bora o kun.

Sefawari miliyon 100 : Mogo minnu be pankurunw ta ka n'u nedaaamu da Gawaycotonnamawkan, nin musaka in so òla o hukumu kono san 2004. feere kuraw bëna tige walasa ka nabaaw faranfasiya kosebe. N'o ye seben do dilanni ye tubabukan ni angilekan na, Gawo mara siyaw ni kòrobòrobuguw ni tamasikiw ka sow bugunnatigew k'o kono.

TULON

Nin ja fila dilanbagu y'a dabo a kama ka fili 10 k'u la. A y'olu jini



1 - Tulukalaw minydr. 2 - Sa k'u, 3 - Kininfekli jan, 4 - Djakala, 5 - Sa kininfekli, 6 - Numarnejirin feere, 7 - Jininh buli, 8 - Fen dò be seleke la duguma kinin fe. 9 - Kininfetegé boloksdandiw. 10 - Numarjemuso klasja

jabi

San 2005 Kani Kade kupu ma soro Ganbi la

Ntolatanna minnu si hake te san 17 bo, olu ka KANI 6nan daminena sibiridon mekalo tile 7 Banjulu, Ganbi faaba la, ka taa a kunce a tile 22 san 2005. Jamana 8 tun be kene kan; kulu folo tun ye Ganbi, Burukina, Gana ani Mali ye. Kulu filanan tun ye Nizeriya, Kodiwari, Zimbawe ani Afirikidisidi ye. Ntolatan nemogow ye naniya siri san 1994 ka kupu do da denmisewn ye. San 1 o kofe, denmisewn ka KANI folo ntolatanw kera Bamako, k'a damine awirilikalo tile 14 na san 1995 ka taa a kunce a tile 28 na.

KANI 6nan in kera Mali ni Nizeriya sine 5nan ye, Gana b'a sine 4nan na, wale de kera jamana folo ye ka Kadew ka kupu dalen folo ta san 1995. A ye Nizeriya gosi 3 ni 1. Ganbi ni Kodiwari ani Zimbawe, olu b'u sine 2nan na. Fo n'a bora Afirikidisidi la, jamana fen o fen tun be Banjulu nin sen in, olu bee delila ka se Kani Kadentolatanlabanw ma. Kulu folo ka ntolatanw na : Ganbi - Burukina = 1 - 0, Gana - Mali = 3 - 2, Burukina - Gana : 2 - 1, Mali-Ganbi = 2 - 3, Gana - Ganbi = 1 - 0, Mali - Burukina = 3 - 1. N'i ye jatemine ke, Gana ni Ganbi ye se soro ka se ntolatanlaban nebilantolatan ma.

Kulu filanan na : Nizeriya - Afirikidisidi = 2 - 2, Kodiwari - Zimbawe = 2 - 0, Afirikidisidi - Zimbawe : 4 - 1, olu la, Kodiwari ni Afirikidisidi sera nebilantolatan na. Gana, Kodiwari ani Afirikidisidi-Ganbi, o kera Kani - Kade nebilantolatanjamanaw ye. Kulu folo la, Gana ye Ganbi gosi 1 ni 0 ka joyoro folo mine, nka u fila bee ka kuru ye wooro-wooro ye. Hali ni Mali y'a ne suman Burukina kan 3 ni 1, a sen bora ntolatan to la. Ntolatanna dumanw tun be Mali bolo Banjulu, nka fen min be jate ntolatkene kan, o ye kuru hake ye. Nin Kani - Kade in fana kera i n'a fc Kani - ziniyoro Benenjamana na. Binbaa dalakolon te, dow ye siyorjuguya ni sirajantaama ka bo Dakaro ka taa Gine Konakiri ka laban ka na Banjulu, k'o ke denmisewn binkun ye, dow yere ye jalatiglaw ka fisamantiya k'u duguminsekun ye. fen min nogon te, o de ye k'a nini k'a don fen min be Kadew ni ziniyorow je, o ka furake joona walasa ne ka soro ntolatan

nataw la. Kulu filanan na, Afirikidisidi kera folo ye ni kuru 7 ye, a ye Kodiwari ni Zimbawe gosika filaninbinke Nizeriya fe. Nin Kani 6nan in ye Afirikidisidi sine folo ye a ntolatanlabanw kene kan. Mogositun ma sign'a ye k'a fo Nizeriya ni Kodiwari bema bin nin cogo la, sabula, jigiwtundalen b'ukan kosebe. Nizeriya denmisewn ma se k'u korew nogon bo, sabula, olu ye ziniyorow ka kupu ta Kolonu zanwuyekalo la san 2005. Kani Kade nebilantolatanlaban na alamisadon mekalo tile 17 san 2005, Ganbi y'a wasa don Afirikidisidi

la 2 ni 1, Gana fana ye Kodiwari gosi 2 ni 0 moco oba konona na. Sibiridon mekalo tile 21 san 2005, Kodiwari ni Afirikidisidi ye nogon soro joyoro 3nan ninini kene kan.

Kodiwari ye Nelson Mandela ka denmisewn mine 1 ni 0. Jana fila ye masaran ka so ke ta la karidon kalotile 22, Ganbi ye Gana da bo degaji la 1 ni 0 ka kupu ta.

An b'a ladonnaia k'a fo Ganbi ni Gana ani Kodiwari, olu bema taa Farafinna joyoro fa Perujamana na setanburukalo la san 2005, Kade Monjali kene kan.

Dokala Yusufu Jara

Kani kadew ka ntolatan, Ganbi

Mali ka ntolatan 2nan, min kera a ni Ganbi ce, taratadon mekalo tile 10 san 2005. Mali ma se ka kunkorota soro o fana na. Ganbi ye Mali gosi 3 ni 2. Nka denmisewn yuse ke, kolosili la, u ntolatancogo tun ka ni Ganbi

Sefawari miliyon 860 = Mali kooriseneraw ni sumanseneraw ye senekemansiw 156 minnu n'umineuw dafalen nini siniwak cakea «D.T.E» la, o musaka don. Nin sanniseben nafama in tegenobilala sibiridon mekalotile 14 san 2005 senem minisiriso la.

Maliden 2000 : O hake de be Kanadajamana marayoro min be wele Kebeki, o faaba kono, n'o ye Moreyalie. Akolosira k'a fo maliden hake tunte tece mogo 10 kan san 1980 waatiw la. **Sefawari miliyari 114** : Mali mako be wari hake minna unkafa sabatili kama, o don. Wari in be ka nini Mali demebaa nafolotigwi la. Jamanakuntigi Amadu Tumani Ture y'a yamaruya Mali ka sefawari miliyon 500 bila dunkafa sabatili cakeda ka bolo kan.

Sefawari miliyari 12 : Cakeda min be wele «CFAO Motor», o ka baarakenafo y'o ye. Cakeda in ka yoro kura kurunbonkarila arabadon mekalotile 18 san 2005 jamanakuntigi Amadu Tumani Ture fc.

Sefawari miliyari 3 ani miliyon 300 : Poroze min nesinnen don forobayoro topotoli ma sigidaw la, n'a be wele «PAFOC», o ka baarakenafo y'o ye. San 7 poroze in sigira sen kan Mali ni ALimanjamana ka jekabaara konona na. Minisiriso min nesinnen don faso togolafew ansi dugukolokow ma, poroze in b'ale lahromma kono.

denmisewn ta ye. Ganbi ye Mali gosi geleya kono; u ka kuru 2nan ni 3nan, olu doncogo ma bala maliden si la, sabula olu ma don namara kan. Kuru folo de kera ko ye sa, mogo t'i bila min nefoli dala. Ji bonnen te ce, an ka nin fana mun an togo la, sabula den be bin a tabaa bol. Malini Burukina ye nogon soro jumadon mekalo tile 13, o kera a ka ntolatan 3nan ye. An sera k'an neji ce olu kan 3 ni 1 hali n'o ma sona bali, don bee kululataa te diya gon na. Sibiridon mekalo tile 7 kera Mali ka ntolatan folo ye a ni Gana ce; Gana y'a wasa don Mali la 3 ni 1. Kofemogontanya be Mali ntolatantonw na kosebe, an be waati min na. Segew famana samata ma, halisa an ka je k'u jukoromatintin.

Isa jalo ka bo Kodugu,
Kati mara la

